



JZU ZAVOD ZA BOLESTI OVISNOSTI
ZENIČKO-DOBOJSKOG KANTONA

MOJA PRIČA O LIJEČENJU



akaz
akreditacija



Bonitet izvrsnosti



JZU ZAVOD ZA BOLESTI OVISNOSTI
ZENIČKO-DOBOJSKOG KANTONA

Izdavač:

Javna zdravstvena ustanova Zavod za bolesti ovisnosti
Zeničko-dobojskog kantona

Za izdavača:

prim. mr. sci. Amir dr. Čustović, specijalista neuropsihijatar

Naslov:

Moja priča o liječenju

Priprema i dizajn:

dr. sci. Nermana Mujčinović, dipl. psiholog
Eldina Selimović-Džano, mag. iur., dipl. soc. pedagog
Lejla Šaćirović, mag. psih.

Tiraž:

100 komada

Godina izdavanja:

Juni, 2023. godine



Nagrađeni rad pacijenta na konkursu Zavoda: "Moja priča o liječenju"

Moja priča o liječenju

Rodio sam se, sada davne, 1975. godine kao sin jedinac. Dosta puta sam čuo priču kako je ponosno moj otac slavio moje rođenje. "Dobio sam sina", vikao je i skakao od sreće. U životu sam imao sve, ni u čemu nisam oskudijevao, rastao sam i bio mezimac, očevo i majčino sve.

Ali kada sam imao 17 godina počeo je rat i promijenio moj život zauvijek. 1993. godine, u ratu, prvi put sam probao travu. Bio sam oduševljen i naivno sam mislio da je ovo nešto što sam cijeli život tražio. Uskoro me „trava“ potpuno obuzela. Onda, jedno večer, probao sam speed i ponovo bio oduševljen.



Nagrađeni rad pacijenta na konkursu Zavoda: "Moja priča o liječenju"

Šmrkao sam i šmrkao uz vječnu parolu: „Još ovaj put, sutra prestajem!“ A onda je u grad stigao heroin. Zavladao. Uskoro je 90% mojih drugova bilo na heroinu. Mislio sam da sam ja jak, samo probam i to je to. Čisto da vidim. I probao sam. Vrijeme je prolazilo i bilo mi je jasno da sam „navučen“. Prolazili su dani, sedmice, mjeseci i tako prodoše dvije pune godine na heroinu. Neću vam pisati o pasijem životu koji sam živio, o krizama, o onome što sam ukrao, slagao, prevario, bio prevaren, prodao u bescijenje. Neću, jer je to većinom svima poznato. Zar ja, koji sam bivši sportista, kojemu, bez heroina, to ne bi palo na pamet? Nisam se više bojao ni Boga, ni stida familije, ni „posla sa policijom“ - ničega! Samo „loviti“ heroin neumorno, svaki dan, svaku noć.

Jednog dana, umoran od svega, čuo sam za Zavod za bolesti ovisnosti u Zenici i da bi mi Stručno osoblje moglo pomoći. Odlučio sam da priznam roditeljima ono što je bilo već tako očito. Otišao sam sa ocem u Zavod i započeo liječenje. U Zavodu su se trudili svim silama da mi pomognu ali ovisnost o heroinu je teška bolest i ja bih svaki put ponovno „pao“ i uzeo heroin. Tako je vrijeme prolazilo, a ja sam i dalje bio u istim problemima i dolazio na kontrole u Ambulantu Zavoda. Jednu kontrolu je otac trebao da ide sa mnom i ja sam ocu lagao da sam „čist“. Sjeli smo ja i on sami. I ja sam se odlučio i njemu priznao da i dalje uzimam heroin i da ću svakako sutra biti pozitivan na testiranjima na PAS. Mislio sam, bolje je da mu ja to kažem i rekao sam. I onda... Nastupio je događaj koji ću pamtiti dok sam živ. Otac je zaplakao na sav glas. Nikada ga nisam vidio takvog, a svašta ga je u životu lomilo. Molio sam Boga da se zemlja otvori, pa da propadnem u nju, nisam mogao progovoriti što od stida što od šoka. Znao sam da je gotovo, više nikada neću uzeti prokleti heroin. Ma šta bilo i kako bilo- nikada više. Samo da mi se otac smiri, molim te, Bože!



**JZU ZAVOD ZA BOLESTI OVISNOSTI
ZENIČKO-DOBOJSKOG KANTONA**





Nagrađeni rad pacijenta na konkursu Zavoda: "Moja priča o liječenju"

Prolazili su dani, sedmice i ja sam održao riječ. Osjećao sam se jak i odlučan - NIKAD VIŠE! 2012. godine mi je umro otac, od srčanog udara. Spustio sam ga u crnu zemlju, sve što sam volio, svoju srodnu dušu, svoga uzora, svog „budaricu“, kako sam ga od milja zvao. Tog momenta sam se zakleo da svaki dan koji prođe bez heroína, poklanjam NJEMU.

I evo, hvala Bogu, 13 godina sam negativan, izdržao sam, pobijedio i uvijek žalim što sam sebi i svojoj porodici to priuštio. Ali, izdržao sam, svašta..



Nagrađeni rad pacijenta na konkursu Zavoda: "Moja priča o liječenju"

I na kraju, zahvalio bih se svim doktorima i svom stručnom osoblju JZU Zavod za bolesti ovisnosti ZDK, koji su mi pomagali strpljivo na ovom putu i sasvim sigurno spasili život.

**A, vama, momci i djevoke, kratka poruka:
"NEMOJTE NI PROBATI"!**



**JAVNA ZDRAVSTVENA USTANOVA
ZAVOD ZA BOLESTI OVISNOSTI
ZENIČKO-DOBOJSKOG KANTONA**

Zenica, Aska Borića 28
Tel. 032 244 544, 032 201 320, 032 201 321
Fax: 032 201 322
www.zedo-ovisnost.ba
e-mail: zdkovisnosti@bih.net.ba